



Ministry of Civil Affairs

Broj: 14-16-3-20-8/22

Datum: 28.12.2022. godine

Na osnovu člana 68. stav 1 i člana 70. Zakona o javnim nabavkama BiH (Službeni glasnik BiH broj 39/14 i 59/22), ministrica civilnih poslova Bosne i Hercegovine donosi:

O D L U K U

o poništenju postupka nabavke

I

Poništava se postupak javne nabavke usluga unapređenja i nadogradnje aplikacije za obradu podataka iz oblasti državljanstva objavljenom na web portalu Agencije za javne nabavke BiH, broj obavještenja: 121-7-2-96-3-48/22 od 07.12.2022. godine, koji je proveden u skladu sa procedurom konkurentskog zahtjeva za dostavu ponuda.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija za nabavke je konstatovala da je rok za dostavu ponuda 13.12.2022. godine do 11:00 sati, te da je do navedenog roka na protokol Ministarstva civilnih poslova Bosne i Hercegovine pristigla jedna ponuda i to ponuđača: „INET“ AGENCIJA ZA INFORMATIČKI INŽENJERING VLASNIK MIRSAD OMANOVIĆ. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Dana 19.12.2022. godine najpovoljnijem ponuđaču „INET“ AGENCIJA ZA INFORMATIČKI INŽENJERING VLASNIK MIRSAD OMANOVIĆ dostavljena je Odluka o izboru najpovoljnijeg ponuđača broj: 14-16-3-20-6/22 od 14.12.2022. godine na osnovu koje je izabran kao najpovoljniji ponuđač u postupku javne nabavke usluga unapređenja i

nadogradnje aplikacije za obradu podataka iz oblasti državljanstva. Istovremeno je najpovoljniji ponuđač obaviješten da je u roku od 5 dana od dana prijema obavještenja u skladu sa konkurentskim zahtjevom za dostavljanje ponuda dužan dostaviti u originalu ili ovjerenj kopiji dokaze o kvalifikaciji propisane članom 45. Zakona o javnim nabavkama. Kako u ostavljenom roku ponuđač „INET“ AGENCIJA ZA INFORMATIČKI INŽENJERING VLASNIK MIRSAD OMANOVIĆ nije dostavio sve dokaze u kvalifikaciji originalu ili ovjerenj kopiji, ugovorni organ u skladu sa članom 70. Zakona o javnim nabavkama BiH donosi odluku o poništenju. U konkretnom slučaju ponuđač do dana donošenja ove odluke nije dostavio potvrde nadležne poreske uprave na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje, zatim nije dostavio potvrde nadležnih institucija o uredno izmirenim obavezama po osnovu direktnih poreza. Pored svega navedenog, ponuđač nije dostavio niti potvrdu suda nadležnog prema sjedištu ponuđača, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz člana 45. stav (1) tačka a) Zakona, a kojom se dokazuje da nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan.

Na osnovu svega navedenog, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana donošenja ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.



DOSTAVITI:

1. *Web stranica Ministarstva – na objavu*
2. *a/a*